

tituere ipsi fructuario emptori, argumento textus in leg. Julie, §. Si quis servo cum sequenti, ff. de Action. empti, & in leg. Si ex duobus, §. Si heres, ff. de Peculio. Item etiam fructarius non debet præferri; quia nullum jus habebat in proprietate, & virtute consolidationis ususfructus accedit proprieti, non verò è contra: ideo teneo quod dixi.

35 Item quæro, an prædictæ leges regni permittentes & concedentes retractum, rescindant venditionem factam extraneo, & noviter post retractum constituant in consanguineum vel consocium novum titulum emptionis & venditionis, ut subrogetur loco prioris emptoris & tituli ejus? Et videtur quod prima venditio rescindatur, & nova venditio vel titulus consti- tuatur tamquam à primo venditore facta in ad-jectionem in diem, ut in leg. 1. & per totum, ff. de In diem adjection. Sed contrarium est te- nendum, imò quod prædicta prima venditio & contractus non rescinditur; quia fuit legiti- mè facta. Item, quia nulla subest causa rescis- sionis: Item, quia non datur ibi consensus con- trarius priorum contrahentium: Item, quia non intervenit fraus vel dolus eorum, per quod debeat rescindi; argumento textus in leg. 1. & per totum, ff. de Rescindenda vendition. textus in l. 1. & per totum, Cod. eod. titul. textus in leg. In- civile, Cod. de Rei vend. textus in leg. Sicut, Cod. de Act. & oblig. Sed tantum resolutivè dicendum est, quod prima venditio valeat, & tota virtus ejus, actio vel obligatio, & effectus transfundatur in consanguineum vel socium re- trahentem, & subrogetur in eum: & ista est vera intentio & intelligentia prædict. legum regni, & in hoc residet.

36 Item quæro, quæ actio sit illa, quæ competit proximiori consanguineo, vel conso- cito virtute prædictarum legum ad retrahendam rem venditam ab emptore vel possessore? Et à sufficienti partium enumeratione videtur quod nulla possit competere: quia omnium actionum ista est summaria & unica divisio; quod aut debet esse realis, aut personalis, ut in §. Om- nium, Instit. de Actionib. Sed realis non po- test competere; quia arguit, præsupponit, & re- quirit dominium vel quasi dominium produc- tum ex titulo, bona fide, & possessione, ut rei vindicatio, vel Publiciana, text. est in leg. 1. & per totum, ff. de Rei vindication. text. in leg. 1. & per totum, Cod. eod. tit. text. in leg. 1. & per totum, ff. de Publician. quæ qui- dem actio non potest competere consanguineo vel consocio, cùm omnia prædicta requisita sibi deficiant. Item etiam personalis non potest com- petere; cùm illa oriatur ex contractu vel quasi gesto cum alio, & talis contractus vel con-

ventio non intervenit in nostro casu & retractu inter emptorem & consanguineum, vel socium volentem retrahere, argumento textus in leg. 1. & per totum, ff. de Actionib. & obligation. & in dict. §. Omnium Institut. de Actionib. Sed brevi- ter & resolutivè dico & teneo, quod in nostro casu & quæstione competit actio personalis, non nativa, sed dativa, quæ vocatur conditio ex leg. & est in rem scripta, quia immediatè datur & competit à nostris legibus Regalibus in ducenti- bus retractum; & datur nedum contra primum emptorem, sed etiam contra quemlibet alium tertium possessorem intra prædictum tempus novem dierum: argumento textus in leg. 1. & per totum, Cod. de Condition. ex leg. juncta communi sententia ibi; & argumento textus in leg. 3. §. 1. & 2. ff. ad exhibendum, cum ibi no- tatis, textus in leg. Metus, §. fin. ff. Quod me- tus causa, & ista est veritas.

### TEXT. LXXVI.

**M**andamos, que ninguna de nuestras Justi- cias den por enemigo en rebeldia sin pro- banza legitima, y passados tres meses à lo me- nos despues de la condenacion, y que sea pedido por el acusador: y si de otra manera la dieren, que sea en sí ninguna la sentencia que sobre ello se diere, en lo que toca à darlo por enemigo.

Id est:

Præcipimus, ne ulla ex nostris Justitiis concedat rebellionem pro inimico sine legitima cognitione & tribus mensibus ad minus post condemnationem elapsis, & ab accusatore postulatam. Quod si ali- ter concederint, sententia super ea re lata, sit in se nulla, quod attinet ad aliquem pro hoste declarandum.

### COMMENTARI

#### In Legem LXXVI.

#### SUMMARIUM.

- 1 An & quando absens de jure communi pote- rat accusari & condemnari?
- 2 Accusatore absente, & reo accusato præ- sente potest ferri sententia.
- 3 Quæ sit ratio per quam in criminalibus non possit procedi contra absentem?
- 4 Benè potest judex recipere testes etiam in ab-

#### In Legem LXXVI. &c. Tauri.

- absentia ad perpetuam rei memoriam.
- 5 Omne delictum & ejus pœna regulariter præ- scribitur per viginti annos.
  - 6 Ex diuturnitate temporis minoratur pœna in delictis.
  - 7 In aliquibus casibus specialibus potest proce- di contra absentem.
  - 8 Hodie de jure regio indistinctè potest procedi contra absentem.
  - 9 Citatio est quedam defensio de jure naturali, quæ tolli non potest.
  - 10 An lex possit facere quod ex præsumptioni- bus quis condemnetur?
  - 11 Etiamsi reus absens postea se præsentet vel captabitur, probationes antea factæ in ab- sentia valent & tenent.
  - 12 Fuga in delictis & causis criminalibus quid operetur.
  - 13 Si reus fuerit captus, totus processus factus in absentia valet.
  - 14 Si reus sit innocens, debet in absentia ab- solvi.
  - 15 An nostra lex, quæ permitit propriam vindictam parti offensæ, valeat?
  - 16 An offensus qui potest occidere alium, possit secum adducere socios?
  - 17 Istud jus vindictæ non potest alteri committi.
  - 18 Offensus occidens alium virtute hujus legis peccat mortaliter.

**N**ota ex ista leg. quod vindicta propria authoritate potest per judicem parti offense committi in absentia, servata forma hujus leg. scilic. quod præcedat vera & plena probatio, & non semiplena vel præsumpta, & parte petente, & elapsis tribus mensibus post sententiam definitivam latam. Pro tenuis perfecta intelligentia & declaratione præsuppono, quod de jure communi absens non po- test accusari nec condemnati ex delicto gra- vi, ex quo veniret imponenda pœna corpora- lis, & sic ultrà relegationem; sed tantum ex delicto ex quo veniret tantum imponenda pœna pecunaria, vel relegationis, vel infra; tex- tus est capitalis & expressus in leg. Absen- tem, ff. de Pœnis, textus in leg. 1. & per totum, ff. de Requirendis reis, textus in leg. Ser- vum quoque, §. Publicè, ff. de Procurator. tex- tus in leg. 1. versic. Sin autem, ff. An per alium cause appellations, &c. textus in leg. Ab- sentem, Cod. de Accusat. textus in leg. Si quon- dam, Cod. de Adulter. textus in cap. 2. & in cap. Absente, & quasi per totum 3. quest. 9. textus in cap. Veritatis de dolo & contumacia, & utrobique Glossa ordinaria, & communiter DD. Quod extende, etiamsi se absentaverit post act Anton. Gomez. ad Leg. Taur.

quemquam 2. quæst. f. text. in cap. Deus omnipotens, eadem causa, & quæst. & in terminis statim rationem pónit solus Alber. in dict. leg. Absentem, §. Adversus, 2. column. ff. de Pœnis. Nec obstat si dicas quod ista ratio non concludit, quia haberet locum quando procederetur contra absentem non citatum nec contumacem: secùs tamen si esset legitimè citatus & contumax: quia tunc non dicitur indefensus: imò reputatur præsens: argumento textus in Authentic. ut omnes obedientiū iudicibus, §. Si verò nec, collat. 5. textus in leg. Ab eo, Cod. Quomodo & quando iudex: textus in leg. Ea quæ, eodem titul. textus in leg. fin. Cod. Si per vim, vel alio modo, textus in leg. Propterandum, §. Sin autem reus. Cod. de Judiciis. textus in leg. Ad peremptorium, cum quatuor legibus sequentibus, ff. de Judiciis, textus in cap. Inter quatuor, de Majoritate & obedientiū. textus in cap. Qualiter & quando, el 2. §. Debet, de Accusation. textus in cap. 1. de Testib. textus in cap. Absens 3. quæst. 9. ibi, nisi fuerit absens ex contumacia pro præsenti, namque eum contumacia haberi, facit textus in cap. veritatis, de Dolo & contumacia, textus in Authentic. qua in provincia, Cod. ubi de Criminib. agi oporteat, ibi, quia contumacia ejus pro præsentia est, quia respondeo quod prædicta iura loquuntur & debent intelligi, quando contra absentem agitur vel proceditur in causis criminalibus non ingerentibus pœnam sanguinis, & sic infra relegationem, secùs verò in gravibus criminalibus non ingerentibus pœnam mortis, vel corporalem, & sic suprà relegationem propter grave periculum, quod ibi vertitur: & hoc casu habet locum & verificatur prædicta ratio superior, quæ certè concludit. Item etiam secunda ratio potest esse, quia de delictis vel criminibus, in quibus veniret imponenda pœna capitalis ultra relegationem, sententia lata in absentia esset illusoria, cùm non possit executioni mandari reo absente: & in terminis istam rationem ponit Cin. in leg. Absentem, Cod. de Accusation. in fin. Bald. in leg. Quamvis indubitati. Cod. de Adulter. 1. column. in medio. Abbas in cap. veritatis, de Dolo & contumacia, 3. column. num. 19. & ibi Joan. de Imol. 1. column. Sed certè ista ratio non concludit: quia saltem maxima utilitas & effectus resultaret ex ipsa sententia contra absentem lata: quia fortè postea deficeret probatio. Item etiam quia prædicta sententia lata posset executioni mandari postquam reus caperetur: unde teneo primam, veram, juridicam, & efficacem rationem.

4 Advertendum tamen, quòd licet contra absentem non possit iudex procedere in cri-

minibus gravibus ingerentibus pœnam sanguinis, & sic ultra relegationem; tamen bene potest iudex recipere testes ex officio, vel ad instantiam accusatoris ad perpetuam rei memoriam, quando sunt senes vel de facili morituri, vel longè recessuri: ne deficiat postea probatio, & delictum remaneat impunitum. Ita singulariter reperio quod tenet solus Salycket. in leg. Absentem, Cod. de Accusation. penult. column. Sed attende quod illa sententia & conclusio est falsa: quia in civilibus causis bene verum est, quod ad instantiam creditoris vel actoris, etiamsi in potestate ejus sit, quando vellet agere, quia jus vel actio competit sibi de præsenti possunt recipi testes ad perpetuam rei memoriam ex prædicta justa causa: quia sunt senes, vel de facili morituri, vel longè recessuri: textus est in Authentic. de Testib. §. Et hic vero multoties, collat. 7. textus in Authentic. sed & si quis ab aliquo, Cod. de Testib. textus in leg. Current, ff. Eodem, textus in leg. 1. Cod. de Usucap. pupillar. textus in cap. Quoniam frequenter, vers. 1. ut lite non contestata, & utrobique Glossa ordinaria & communiter DD. & idem disponit lex 2. tit. 16. 3. partit. & lex 14. ubi est bona Glossa tit. 8. lib. 2. For. II. similiter etiam quando actor non potest agere de præsenti, quia competit sibi jus vel actio conditionalis, possunt recipi testes, etiam nulla alia subsistente causa vel suspicione mortis vel absentie: quia sola dilatio, quæ in tali conditione resultat, censetur justa causa: textus est singularis in jure secundum tertiam lecturam, Gloss. in leg. Aquilia si delictum, ff. ad leg. Aquilam, quem ad hoc notat & commendat Abbas in cap. Significavit, de Testib. 3. & 4. column. & ibi Anton. 2. column. & sentit Innocentius in cap. Quoniam frequenter, ut lite non contestata, & ibi Joan. Andr. & Abbas, & alii DD. tamen in criminalibus, etiam ex dictis causis non possunt recipi testes ad perpetuam rei memoriam contra reum absentem: ita probat textus in cap. Quoniam frequenter, ut lite non contestata, ibi, cum civiliter est agendum, & ibi expressè tenet Gloss. ordinaria in verbo civiliter, Innocent. Anton. Hostiens. Ancaran. Bald. Abbas, & communiter DD. tenet etiam Bald. qui notabiliter loquitur in Authentic. Sed & si quis. Cod. de Testib. Florian. in dict. leg. in leg. Aquilia si delict. ff. ad legem Aquilam. Cujus ratio est secundum eos, quia in executionibus pœnarum non est favor accusatori adhibendus, argumento textus in leg. Auxilium, ff. de Minorib. pro qua sententia & conclusione est hodiè lex notanda 2. tit. 16. 3. part. ex quibus remanet conclusio, quod in causis criminalibus, in quibus venit imponenda pœna ultra relegationem, non

pō-

potest procedi contra absentem, neque adhuc ex aliqua causa contra eum recipi testes ad perpetuam rei memoriam.

5 Item etiam contra prædicta iura, quæ habent quod in delictis ingerentibus pœnam sanguinis, non possit procedi contra absentem, facit & resultat maximum inconveniens, scilicet, quod delictum possit præscribi lapsu temporis: nam omne delictum regulariter præscribitur per viginti annos: textus est singularis & unicus in leg. Querela Cod. ad leg. Corneliam, de falsis, quem ad hoc notant & commendant Bartol. & communiter DD. & reputat singularem & unicam Angel. & Salycket. ibi. Sed ad hoc notabiliter respondeo, quod accusator vel iudex ex officio poterit proponere libellum accusationis vel Inquisitionis, licet in ea non procedatur, & hoc operatur quod non currat aliqua præscriptionis: ita probat textus valde notabilis in l. 2. vers. 1. Cod. de Exhibendis reis, & ibi tenet Glossa ordinaria & communiter DD. Glossa etiam ordinaria in leg. Absentem. Cod. de Accusation, & ibi communiter DD. Glossa etiam ordinaria in leg. Absentem, ff. de Pœnis. Azo in Summa, Cod. de Requirend. reis. Anton. de Butr. in cap. veritatis, de Dolo & contumacia, 4. column. & ibi alii DD. probat etiam textus in leg. 1. & 2. Cod. de Requirend. reis, per quæ iura ita tenet Bartol. in dict. leg. Absentem. ff. de Pœnis, 1. column.

Item etiam operatur quod interrupatur præscriptio præterita: ita probat textus juncta Glossa in leg. Jure mariti, Cod. de Adulter. & ibi notat Salycket. 2. col. num. 9. ibid. Saliyc. in leg. Si quædam, Cod. eod. tit. num. 2.

6 Item etiam talis propositio accusationis vel inquisitionis operabitur alium singularem effectum: nam licet ex diurnitate temporis, quando aliquod magnum & notabile intervallum temporis transivit post delictum commissum, minatur pœna, & non teneatur delinquens pœna ordinaria, sed mitiori, ut in leg. Si diutina, ff. de Pœnis, & ibi Glossa ordinaria, & communiter DD. & per eum tenet Salycket. in leg. Servos, Cod. ad leg. Julianum de Vi, tamen postquam jam fuit proposita dicta accusatio vel inquisitio, non gaudebit tali privilegio: imò pœna ordinaria poterit puniri, quia ex causa absentie, & non ex negligencia pœna non potuit sibi imponi: ita determinat Bartol. in dict. 1. Si diutina, & Abbas Parnomitan. in cap. cum labore, de eo qui duxit in matrimonium quam polluit per adulterium, 2. column. & Ancharet. ibi 3. column. in aliis verò delictis, in quibus non venit imponenda pœna mortis nec corporalis, sed relegationis tantum, vel infra, bene potest procedere contra absentem: quia non agi-

tur de tam gravi damno & præjudicio, & si militer sententia non censetur illusoria: quia si reus condemnatur in exilium & ipse est absens, satis sua absentia punitur, & obtemperatur sententiæ, ita solus Cin. in leg. Absentem, Cod. de Accusat. propè finem.

7 Adde tamen, quod in aliquibus casibus specialibus potest procedi contra reum absentem, etiam in delictis capitalibus, in quibus venit imponenda pœna mortis vel corporalis.

Primus est in crimine læsæ majestatis: textus est in extravang. ad reprimendum sub titulo, quo modo in læsæ majestatis crimen procedatur, vers. Super dicto crimen, &c. & ibi Glossa ordinaria Bart. & alii DD. tenet etiam idem Bart. in leg. 1. ff. de Requirend. reis, Salycket. & communiter DD. in leg. Absentem, Cod. de Accusation. Angel. de Perus. & Hipp. de Marsil. in l. 4. ff. ad leg. Cornel. de Sicariis.

Secundus casus est quando quis est officialis publicus & apparitor, & delinquit in officio: quia poterit ex illo delicto in absentia condemnari, textus est leg. Ne diu. Cod. de Pœnis, & ibi notant & commendant Bald. & communiter alii DD.

Tertius casus est quando quis alium spadonem fecit: textus est in leg. 4. versic. & qui hoc crimen, ff. ad leg. Cornel. de Sicar. quem ad hoc notant & commendant Bart. & alii DD. & reputat singularem Angel. de Perus.

Unum tamen est, quod licet in delictis capitalibus non possit procedi contra absentem ad definitivam sententiam, quando venit imponenda pœna mortis, vel corporalis, ut juribus supra allegatis: tamen bona ejus annotantur & scribuntur, & si reus delinquens absens citatus intra annum non veniat, confiscantur & fisco regio applicantur, adeò quod licet postea innocens reperiatur & sine culpa, non poterit bona recuperare: quia illa perdit & amittit propter maximam ejus contumaciam; textus est formalis & expressus in leg. 2. Cod. de Requirend. reis, & ibi Glossa ordinaria, Odofred. Petr. Cin. Butriga, Bartol. Bald. Angel. Salycket. & communiter DD. idem etiam disponit lex 7. tit. 8. 3. p. quod tamen intellige quando delictum erat tale, ex quo si in præsentia definitivè damnaretur bona veniret publicanda & confiscanda, non verò alias: ita notabiliter tenet & declarat Cin. in leg. 1. Cod. de Requirend. reis, & ibi Angel. de Perus. & Salycket. fin. column.

8 Hodiè tamen de jure nostro regio omnia prædicta sunt correta & mutata: quia indistinctè in omnibus delictis capitalibus, vel non, potest procedi contra reum absentem: & si legitimè citatus non venerit, habetur pro confesso, & potest condemnari in pœna ordinaria de-

delicti : ita disponit lex 4. tit. 3. lib. 2. Foro II. & lex 9. tit. 2. lib. 3. Ordinam. Hodie vero de jure etiam regio magis novo aliter disponitur & justissime per pragmaticam hujus regni folio 189. ad quam se refert nostra lex Tauri; eam præsupponit, approbat & confirmat: qua quidem pragmatica cavetur quod reus delinquens absens ter citetur cum termino novem dierum in qualibet citatione, si fuerit in jurisdictione ipsius judicis cognoscentis de delicto: si vero fuerit extra jurisdictionem, debet citari cum termino viginti dierum in qualibet citatione, & in qualibet citatione debet præconizari, & qualibet citatio debet in domo propria absentis (si quam habet) notificari, & insuper in loco publico figatur edictum in scriptis, in quo contineatur delictum de quo accusatur vel inquitur, & terminus qui fuit assignatus, & proclamata quæ fuerunt data: & post omnia ista debet proponi accusatio in forma contra absentem cum termino trium dierum: post quorum lapsum accusetur sibi contumacia & concludatur in causa, & feratur interlocutoria in qua admittantur partes ad probationem cum termino competenti, in quo etiam judex inquirat de innocentia ipsius rei absentis, & post lapsum termini probatorii fiat publicatio processus cum termino trium dierum ad opponendum contra testes, & finaliter concludatur processus ad sententiam definitivam ferendam. Circa quam est singulare dubium, an possit prædicta pragmatica & ejus dispositio procedere & habere locum contra minorem virginem quinque annorum absentem: vel an processus postea annulletur si constet esse minorem? & videtur quod processus fuerit nullus ex defectu personæ, cum non possit talis minor esse in judicio agendo, nec defendendo in civilibus nec in criminalibus sine curatore, ut in leg. Claram, Cod. de Author. præstand. Sed teneo contrarium, imo quod procedit etiam contra minorem & illum qui est capax delicti: quia ratione contumacia quæ de per se est etiam delictum, ut in leg. Consentaneum, Cod. quomodo & quando judex, debet intervenire aliqua probatio vel præsumptio delicti: ergo generaliter habet locum prædicta pragmatica tam in minore quam majore; post quam omnia si delictum reperiatur vere & legitimè probatum vel quod ultra fugam reperiatur tale indicium probatum, vel præsumptio quæ sufficeret ad torturam, tunc absens potest definitivè condemnari ad poenam ordinariam delicti; & in summa ista est vera resolutio prædictæ pragmaticæ quæ quotidie in nostro regno practicatur.

Pro eius majori declaratione necessariò quæro, an illa lex, pragmatica & dispositio po-

tuit fieri, & disponere ut stante prædicta probatione reus absens possit definitivè condemnari de capitali delicto ad poenam mortis vel capitalem? & certè videtur quod non, sicut ius commune disponebat: quia cùm defensio sit de jure naturali, & absens possit habere aliquam justam excusationem vel defensionem, de qua non constat nec possit constare in sua absentia, princeps vel lex humana positiva non potest hanc defensionem tollere & inducere, ut condemnetur, argumento textus in leg. Ut vim, ff. de Justitia & jure, textus in leg. 1. §. Cum arietes, ff. Si quadrupes pauperiem fecisse dicatur, textus in leg. Scientiam, §. Qui cum alter, ff. ad leg. Aquil. textus in leg. 3. §. Cum igitur, ff. de Vi & vi armat. textus in leg. 1. Cod. Unde vi, textus melior de jure in Clemen. pastoralis, de Re judicata, ibi, defensionis, quæ à jure provenit naturali, imo quod magis est, etiam de jure divino videtur prohibitum quod absens non possit condemnari, ut in cap. Absens 3. q. 9. cuius verba sunt, absens vero nemo judicetur, quia divine & humanæ leges hoc prohibent: & probatur etiam Actuum Apost. cap. 25. ubi dicitur, non est Romanis consuetudo damnare aliquem hominem priusquam is qui accusatur præsentes habeat accusatores, locumque defendendi accipiat ad abluenda crimina quæ ei objiciuntur, facit etiam Gloss. fin. in summa 4. quest. 1. vers. 9. Quis enim diceret, quæ habet quod ex contumacia non potest quis capitaliter in absentia condemnari: quem ad hoc notant & commendant ibi DD. & notat & commendat Bald. in leg. Data opera, Cod. Qui accusare non possunt 5. column. num. 24.

Sed his non obstantibus contrarium est tenendum, imo quod prædicta nostra regia dispositio valeat & teneat, & optimè potuit facere & statuere, quod in causis criminalibus etiam ingerentibus poenam mortis vel corporalem, absens possit condemnari: quia loquitur & verificatur quando reus absens legitimè citatur, & intervenit probatio plena vel præsumptiva, & ex his justificatur nostra regia dispositio: secùs vero esset si disponeret & statueret quod absque citatione damnaretur, quia hoc non posset facere nec statuere: & ita procedunt & debent intelligi jura contraria, & per consequens licet de jure communī positivo erat dispository quod absens non possit condemnari etiam stante citatione, & probatione; tamen bene poterat & potest de jure communī contrarium disponi, prout hodiē disponitur, ut dixi & probavi: & ista est vera declaratio & resolutio hujus articuli: & in expresso ita tenet & determinat Bald. in leg. Né diu, Cod. de Pœnis, idem Bald. in leg. 1. Cod. Quomodo & quando judex, 2. col. num. 8. Angel. de

### In Legem LXXVI. &c. Tauri.

681

de Perus. in leg. Si accusoribus, Cod. de Accusat. 2. column. num. 5. Joan. de Imol. in cap. veritatis de Dolo & contumacia, 1. column. Abb. Panormit. in cap. Inter quatuor, de Major. & obed. 1. column. Joan. de Platea in leg. Si apparitor, Cod. de Cohortalib. lib. 12. 1. col. 2. notabili ponderando textum ibi, & ibi etiam Lucas de Penna, 3. column.

9. Confirmatur, quia citatio est quædam defensio & solemnitas introducta & requisita de jure naturali & divino in actu gravi & præjudiciali, quæ per principem vel legem positivam tolli non potest: text. est capitalis & expressus in Clementina pastoralis, §. Ceterum de Re judicata, quæ ad hoc notat ibi Imol. 3. column. num. 23. Anchar. 5. column. & communiter DD. Bartol. in Extravaganti, ad reprimendum, in verb. & figura 2. column. idem Bartol. in leg. Filius familias, ff. de Donat. 2. column. Abb. qui bene loquitur in cap. Cum olim, de Re judicata, penult. column. & ibi Felin. 9. column. num. 12. idem Felin. in cap. Qua in Ecclesiarum, de Constit. num. 66. Marian. Socin. in tract. de Citationib. sub rubric. de Dilationib. 7. urtic. principali, Bald. in cap. Cùm sit Romana, de Appellation. in fine. Jas. in leg. fin. Cod. unde legitimi, penult. column. facit etiam bonus textus in cap. 1. de Caus. posses. & propriet. quem ibi ponderat Abb. 2. column. num. 4. & post eum alii DD. bonus etiam textus de jure civili, in leg. fin. Cod. de Leg. juncta Glos. in verbo, quo minus, quem ad hoc notant & commendant ibi Bald. & Paul. de Castr. Confirmatur etiam ex illo quod habetur Genes. cap. 3. ubi habetur quod Deus & Dominus noster vocavit Adam antequam eum puniret: præmissa igitur & facta legitima citatione, bene potest lex statuere & disponere, ut contra absentem procedatur: in genere tamen vel modo probationis, virtute & effectu ejus bene potest ista lex disponere & statuere, ut aperte probant prædicta jura, & probat textus in cap. Absens 1. quest. 9. in fin. text. in cap. Inter quatuor d. Majorit. & obedient. textus in cap. Qualiter & quando, §. Debet de Accusation. text. in cap. Deus omnipotens 2. q. 1. text. in cap. Veritatis, de Dolo & contumacia, text. in Auth. ut omnes obedient judicib. §. Si vero neque, collat. 5. Nec obstat, si subtiliter dicas quod in probatione delicti lex ipsa civilis non possit aliquid de novo statuere, disponendo quod sufficiat præsumptiva probatio in præsentia vel absentia ad imponendam poenam ordinariam vel extraordinariam: vel disponendo, prout prædicta pragmatica nostra regia disponit per nostram legem Tauri approbatam, quod in absentia ex sola fuga & contumacia cum indicis sufficientibus ad torturam, absens possit condemnari ad poenam ordinariam.

de